




往生要集卷下本

天台首楞嚴院沙門 源信撰

大文第七上六念佛利益者大分有七一滅罪生善
 二冥得護持三現身見佛四當來勝利五弥陀別
 益六引例勸信七惡趣利益其文各多今略舉要
 第一滅罪生善者上六觀佛經第二云於一時中分爲
 少分々々之中能須臾間念佛白毫令心々々無
 謬乱想分明正住注意不息念白毫者若見相好
 若不得見如是等人除却九十六億那由他恒河



沙微塵數劫生死之罪設復有人但聞白毫心不
驚疑歡喜信受此人亦却八十億劫生死之罪又
云佛去世後三昧正受想佛行者亦除千劫極重
惡業佛行步相如上又云佛告阿難汝從今日持
如來語遍告弟子佛滅度後造好形像令身相足
亦作无量化佛色像及通身色及畫佛跡以微妙
糸及頗梨珠安白毫處令諸衆生得見是相但見
此相心生歡喜此人除却百億那由他恒河沙劫
生死之罪優填王作佛形像經云作佛形像功德
无量世々所生不墮惡道後皆得生无

量壽佛國作菩薩當又云老女見佛邪見不信猶
能除却八十万億劫生死之罪况復善意恭敬礼
拜須達家老女因緣如彼經廣說又云諸凡夫及四部弟子謗方
等經作五逆罪犯四重禁偷僧祇物媼比丘尼破
八戒齊作諸惡事種々邪見如是等人若能至心
一日一夜繫念在前觀佛如來一相好者諸惡罪
障皆悉盡滅又云若有歸依佛世尊者若稱名者
除百千劫煩惱重障何况正心修念佛定寶積經
第五云如有寶珠名種種色在大海中雖有无量

衆多駛流入於大海以珠火力令水銷滅而不盈
溢如是如來應正等覺證菩提已由智火力能令
衆生煩惱銷滅亦復如是至若復有人於日々中
稱說如來名号功德是諸衆生能離黑闇漸次當
得燒諸煩惱如是稱念南无佛者語業不空如是
語業名執大炬能燒煩惱遺摩厘經云菩薩雖彼
數千巨億万劫在愛欲中爲罪所覆若聞佛經一
反念善罪即消盡已上諸文滅罪大悲經第二云若三千
大千世界滿中須陀洹斯陀含阿那含阿羅漢若

有善男子善女人若一劫若減一劫以諸種種稱
意一切樂具恭敬尊重謙下供養若復有人於諸
佛所但一合掌一稱名如是福德比前福德百分
不及一百千億分不及一迦羅分不及一何以故
以佛如來諸福田中爲最無上是故施佛成大功
德略抄以三千界普曜經偈云一切衆生成緣
覺若有供養億數劫飲食衣服床臥具擣香雜香
及名華若有一心又十指專心自歸一如來口自
發言南无佛是功德福爲最上般舟經說念佛三

法苑珠林卷五

昧偈云假使一切皆為佛聖智清淨慧第一皆於
億劫過其數講說一偈之功德至於泥洹誦誅福
無數億劫悉歎誦不能究盡其功德於是三昧一
偈事一切佛國所有地四方四隅及上下滿中珍
寶以布施用供養佛天中天若有聞是三昧者得
其福祐過於彼安諦誦說講者引譬功德不可
喻破一佛刹為塵取一々塵亦碎如一佛刹塵數
以此此一塵為一佛刹若于佛刹滿中珍寶供養
諸佛以之為比度諸佛境界經說若諸眾生緣於
也已上生善如來生諸行者斷無數劫地獄畜生餓鬼閻羅王

生若有眾生一念作意緣如來者所得功德无有
限極不可稱量百千万億那由他諸大菩薩悉得
不可思議解脫定不能計校知其邊際觀佛經說
佛告阿難我涅槃後諸天世人若稱我名及稱南
无諸佛所獲福德无量无边况復繫念々諸佛者
而不滅除諸障身耶已上滅罪生善其餘
如上正修念佛門
第二寘得護持者護身咒經云三十六部神王有
万億恒沙鬼神為眷屬護受三歸者般舟經云劫
盡壞燒時持是三昧菩薩者正使墮是火中火即

為滅譬如大嬰水滅小火佛告跋陀和我所語无
有異是菩薩者持是三昧若帝王若賊若火若水
若龍若虵若闕又鬼神若猛獸至若壞人禪奪人
念設欲中是菩薩者終不能中佛言如我所語无
有異除其宿命其餘无有能中者偈曰鬼神輒陀
共擁護諸天人亦如是并阿須倫摩睺勒行此
三昧得如是諸天悉共頌其德天人龍神甄陀羅
諸佛嗟歎令如願諷誦說經為人故國々相伐民
荒乱飢饉荐臻懷苦窮終不於中友其命能誦此

經化入者勇猛降伏諸魔事心无所畏毛不豎其
功德行不可議行此三昧得如是十住婆娑引此
等文已云唯除
業報必
應受者十二佛名經偈云若人持佛名衆魔及波
旬行住坐臥處不能得其便

第三現身見佛者文殊般若經下卷云佛云若善
男子善女人欲入一行三昧應處至閑捨諸乱意
不取相貌繫心一佛專稱名字隨佛方所端身正
向能於一佛念念相續即於念中能見過去未來
現在諸佛導禪師釋云衆生障重觀難成故是以

大聖悲憐直勸專稱名字般舟經云前所不聞經
卷是菩薩持是三昧威神夢中悉自得其經卷各
々悉見悉聞經聲若晝日不得者若夜於夢中悉
得見佛々告跋陀和若一劫若過一劫我說是菩
薩持是三昧者說其功德不可盡竟何況能求得
是三昧者又同經偈云如阿彌陀國菩薩見无央
數百千佛得是三昧菩薩然當見无央百千佛乃至
其有誦受是三昧已爲面見百千佛假使最後大
恐懼持此三昧无所畏念佛三昧經第九偈云若

欲盡見一切佛現在未來及十方或復求轉妙法
輪亦先修習此三昧十二佛名經偈云若人能至
心七日誦佛名得於清淨眼能見无量佛
第四當來勝利者華嚴偈云若念如來少功德乃
至一念心專仰諸惡道怖悉求除智眼於此能深
悟智眼天般舟經偈云其人終不墮地獄離餓鬼
道及畜生世々所生識宿命學是三昧得如是觀
佛經云若有衆生一聞佛身如上功德相好光明
億々千劫不墮惡道不生邪見雜穢之處常得正

見勤修不息但聞佛名獲如是福何況繫念觀佛
三昧安樂集云大集經云諸佛出世有四種法度
衆生何等爲四一者口說十二部經即是法施度
衆生二者諸佛如來有無量光明相好一切衆生
但能繫心觀察無不獲益即是身業度衆生三者
有無量德用神通道力種種神變即是神通道力
度衆生四者諸佛如來有無量名号若捨若別其
有衆生繫心稱念莫不除障獲益皆生佛前即是
名号度衆生云有云正法念經有此文十二佛名

經偈云若人持佛名不生怯弱心智慧无諂曲常
在諸佛前若人持佛名七寶華中生其華千億葉
威光相具足巴上諸文未離觀佛經云若能至心
繫念在內端坐正受觀佛色身當知是人心如佛
心与佛无異雖在煩惱不爲諸惡之所覆蔽於未
來世兩大法兩大集念佛三昧經第七云當知如
是念佛三昧則爲捨攝一切諸法是故非彼聲聞
緣覺二乘境界若人暫聞說此法者是人當來决
定成佛无有疑也同經第九云但能耳聞此三昧

名假令不讀不誦不受不持不修不習不為他轉
不為他說亦復不能廣分別釋然彼諸善男子善
女人皆當次第成就阿耨菩提同經偈云欲圓滿
諸妙相具足眾妙上莊嚴及求轉生清淨家必先
受持此三昧又有經言若於佛福田能殖少分善
初獲勝善趣後必得涅槃大般若經云依敬憶佛
必出生死至涅槃置此乃至為供養佛以花散
虛空亦如是又置此若善男子善女人等下至一
稱南謨佛陁大慈悲者是善男子善女人等窮生

死際善根無盡於天人中恒受富樂乃至寂後得

般涅槃

略抄大悲經
第二回之

寶積經云有眾生於如來所

起微善者盡於苦際畢竟不壞又云若有菩薩以

勝意樂能於我所起於父想彼人當得入如來數

如我無異十二佛名經偈云若人持佛名世々所

生處身通遊虛空能至無邊剎面覩於諸佛能問

甚深義乃為說微妙法授彼菩提記法華經偈云

若人散亂心入於塔廟中一稱南無佛皆已成佛

道大悲經第三佛告阿難若有眾生聞佛名者我

說是人畢定當得入般涅槃華嚴經法幢菩薩偈
云若有諸衆生未發菩提心一得聞佛名決定成
菩提已上諸文但聞名号勝利如是况暫觀念相
好功德或復供養一華一香况一生勤修功德終
不虛則知值佛法聞佛号非是少緣是故華嚴經
真實慧菩薩偈云寧受地獄苦得聞諸佛名不受
无量樂而不聞佛名已上四門惣明念諸佛之利
益其中觀佛經以釋迦爲首般舟經多以弥陀爲
首理實俱通一切諸佛念佛經通三世佛問觀佛

經云是人心如佛心与佛无異又觀經云佛告阿
難諸佛是法界身入一切衆生心想之中是故汝
等心想佛時是心即是三十二相八十隨形好是
心作佛是心是佛諸佛正遍知海從心想生已此
義云何答往生論智光疏釋此文云當衆生心想
佛時佛身相皆顯現衆生心中譬如水清即色像
現而水与像不一不異故言佛相好身即是心想
是心作佛者心能作佛是心是佛者心外无佛譬
如火從木出不得離木以不離木故即能燒木爲

火燒木即是火上亦有餘釋學者更勘私云大集
經日截分云行者作是念是等諸佛无所從來去
无所至唯我心作於三界中是身因緣唯是心作
我隨覺觀欲多見多欲小見小諸佛如來即是我
心何以故隨心見故心即我身即是虛空我因覺
觀見无量佛我以覺心見佛知佛心不見心々々不
知心我觀法界性无牢固一切諸佛皆從覺觀因
緣而生是故法性即是虛空々々之性亦復是空
此此文意同觀經光師釋亦无違問知心作佛有

何勝利答若觀此理能了三世一切佛法乃至一
聞即得解脫三途苦難如華嚴經如來林菩薩偈
云若人欲求知三世一切佛應當如是觀心造諸
如來華嚴傳曰文明元年京師人姓王失其名既
无戒行曾不修善因患致死被二人引至地獄門
前見有一僧云是地藏菩薩乃教王氏誦此一偈
謂之曰誦得此偈能排地獄王氏遂入見閻羅王
王問此人有何功德答云唯受持一四句偈具如上
說王遂放勉當誦此偈時聲所及處受苦之人皆

得解脫王氏三日始獲憶持此偈向諸沙門說之
示驗偈文方知是甚嚴經第十二卷夜摩天宮无
量諸菩薩雲集說法品王氏自向空觀寺僧定法
師說云然也抄略

第五弥勒別益者為令行者其心決定故別明之
滅罪生善實得護念現身見佛將來勝利如次觀
經像想觀云作是觀者除无量億劫生死之罪於
現身中得念佛三昧又云但聞佛名二菩薩名除
无量劫生死之罪何況憶念又云但想佛像得无

量福况復觀佛具足身相阿弥勒思惟經云若轉
輪王千萬歲中滿四天下七寶布施十方諸佛不
如苾芻苾芻且優婆塞優婆夷等一彈指頃坐禪
以平等心憐愍一切衆生念阿弥勒佛功德已上滅罪
善生稱讚淨土經云或善男子或善女人於无量壽
極樂世界清淨佛土功德莊嚴若已發願若當發
願若今發願必為如是住十方面十競伽沙諸佛
世尊之所攝受如說行者一切定於阿耨菩提得
不退轉一切定生无量壽佛極樂世界觀經云光

明遍照十方世界念佛衆生攝取不捨又云無量壽佛化身無數與觀世音大勢至常來至此行人之所十往生經釋尊說阿彌陀佛功德國土莊嚴等已云清信士清信女讀誦是經流布是經恭敬是經不謗是經信樂是經供養是經如是人輩緣是信敬我從今日常使前二十五菩薩護持是人常使是人无病无惱惡鬼惡神亦不中害亦不惱之亦不得便已上乃至睡寤行住所至之處皆悉安穩云々唐土諸師云二十五菩薩擁護念阿彌陀佛願往生者此亦不

違彼經意也

二十五者觀世音菩薩大勢至菩薩藥王菩薩藥上菩薩普賢菩薩法自在菩薩師子吼菩薩陀羅尼菩薩虛空藏菩薩德藏菩薩寶藏菩薩金光藏菩薩金剛藏菩薩光明王菩薩山海慧菩薩華嚴王菩薩衆寶王菩薩月光王菩薩日照王菩薩三昧王菩薩定自在王菩薩大自在王菩薩白象王菩薩雙觀經彼佛本願大威德王菩薩無邊身菩薩也

云諸天人民聞我名字五躰投地執香作禮歡喜信樂修菩薩行諸天世人莫不致敬若不尔者不取正覺已上冥得護持大集經賢護分云善男子善女人端坐繫念專心想彼阿彌陀如來應供等正覺如是相好如是威儀如是大衆如是說法如聞繫念

一心相續次第不乱或經一日或復一夜如是或
至七日七夜如我所聞具足念故是人必觀阿彌
陀如來應供等正覺若於晝時不能見者若於夜
分或夢中阿彌陀佛必當現也觀經云見眉間白
毫者八万四千相好自然當見々々无量壽佛者即
見十方无量諸佛得見无量諸佛故諸佛現前授
記是為遍觀一切色相見佛鼓音聲王經云十日
十夜六時專念五身投地禮敬彼佛堅固正念悉
除散乱若能念念心念々不絕十日之中必得見彼

阿彌陀佛并見十方世界如來及所住處唯除重
障鈍根之人於今少時所不能觀一切諸善皆悉
迴向願得往生安樂世界無終之日阿彌陀佛与
諸大衆現其人前安愈稱善是人即時甚生慶悅
以是因緣如其所願即得往生平等覺經云佛言
要當齊戒一心清淨晝夜常念欲生无量清淨佛
國十日十夜不斷絕我皆慈愍之悉令生无量清
淨佛國乃至一日一夜亦如是或雙觀經偈云其
佛本願力聞名欲往生皆悉到彼國自致不退轉

觀經下品上生人臨命終時合掌叉手稱南無阿
彌陀佛稱佛名故除五十億劫生死之罪從化佛
後生寶池中同品中生人臨命終時地獄猛火一
時俱至聞彌陀佛十力威德光明神力戒定惠解
脫知見除八十億劫生死之罪地獄猛火化為清
涼風吹諸天華々上皆有化佛菩薩迎接此人即
得往生同品下生人臨命終時苦逼不能念佛隨
善友教但至心令聲不絕具足十念稱南無无量
壽佛稱佛名故於念念中除八十億劫生死之罪

如一念須即得往生雙觀經彼佛本願云諸佛世
界衆生之類聞我名字不得菩薩无生法忍諸深
摠持者不取正覺他方國土諸菩薩衆聞我名字
不即得至不退轉者不取正覺觀經云若念佛者
當知此人是人中分陀利華觀世音菩薩大勢至
菩薩爲其勝友當坐道場生諸佛家已上將來勝
利餘如上別

時念
佛門

第六引例勸信者觀佛經第三佛告諸釋子言毗
婆尸佛像法中有一長者名日月德有五百子同

遇重病父致子前涕淚合掌語諸子言汝等邪見不信正法今无常刀截汝身為何所怙有佛世尊名毗婆尸汝可稱佛諸子聞已敬其父故稱南无佛父復告言汝可稱法汝可稱僧未及三稱其子命終以稱佛故生四天王所天上壽盡前邪見業墮大地獄々卒羅刹以熱鐵杖刺壞其眼受是苦時憶父長者所教誨事以念佛故還生人中尸棄佛出但聞佛名不覩佛形乃至迦葉佛時亦聞其名以聞六佛名因緣故与我同生是諸比丘前

世之時以惡心故謗佛正法但為父故稱南无佛生々常得聞諸佛名乃至今世值遇我出諸障除故成阿羅漢又云燃燈佛末法之中有一羅漢其千弟子聞羅漢說心生瞋恨隨壽修短各欲命終羅漢教稱南无諸佛既稱佛已得生忉利天至於未來世當得作佛号南无光照第七卷文殊自說值遇禮拜過去寶威德佛尔時釋迦文佛讚言善哉々々文殊師利乃於昔時一禮佛故得值尔許无數諸佛何況未來我諸弟子勤觀佛者佛勅何

難汝持文殊師利語通告大衆及未來世衆生者
能禮拜者若能念佛者若能觀佛者當知此人与
文殊師利等无有異捨身他世文殊師利等諸大
菩薩爲其和上又云時十方佛來跏趺坐東方菩
薩佛告大衆言我念過去无量世時有佛出世号
寶威德上王時有比丘与九弟子往詣佛塔禮拜
佛像見一寶像嚴顯可觀禮已諦視說偈讚歎後
時命終悉生東方寶威德上王佛國大蓮華中結
跏趺坐忽然化生從此已後恒得值佛於諸佛所

淨修梵行得念佛三昧得三昧已佛爲授記於十
方面各得成佛東方善德佛者則我身是東南方
无憂德佛南方栴檀德佛西南方寶施佛西方无
量明佛西北方華德佛北方相德佛東北方三乘
行佛上方廣衆德佛下方明德佛如是十佛由過
去禮塔觀像一偈讚歎今於十方各得成佛說是
語已問訊釋迦文佛既問訊已放大光明各還本
國又云四佛世尊從空而下坐釋迦文佛床讚言
善哉々々乃能爲於未來之時濁惡衆生說三世

佛白毫光相令諸衆生得滅罪咎所以者何念我
昔曾空王佛所出家學道時四比丘共爲同學習
佛正法煩惱覆心不能堅持佛法寶藏多不善業
當隨惡道空中有聲語比丘言空王如來雖復涅
槃汝之所犯謂无救者汝等今可入塔觀像與佛
在世等无有異我從空聲入塔觀像眉間白毫即
作是念如來在世光明色身与此何異佛大人相
願除我罪作是語已如大山崩五體投地懺悔諸
罪從是已後八十億阿僧祇劫不墮惡道生々常

見十方諸佛於諸佛所受持甚深念佛三昧得三
昧已諸佛現前授我記別東方妙喜國阿閼佛即
第一比丘是南方歡喜國寶相佛即第二比丘是
西方極樂國无量壽佛第三比丘是北方蓮華莊
嚴國微妙聲佛第四比丘是時四如來各申右手
摩阿難頂告言汝持佛語廣爲未來諸衆生說三
說此已各放光明還歸本國又云財首菩薩白佛
言世尊我念過去无量世時有佛世尊亦名釋迦
牟尼彼佛滅後有一王子名曰金憶憍慢邪見不

信正法知識比丘名定自在告王子言世有佛像
衆寶嚴飾可暫入塔觀佛形像時彼王子隨善友
教入塔觀像見像相好自言比丘佛像端嚴猶尚
如此况佛真身比丘告言汝今見像不能禮然者
當稱南无佛是時王子合掌恭敬稱南无佛還宮
繫念々塔中像即於後夜夢見佛像見佛像故心
大歡喜捨離邪見歸依三寶隨壽命終由前入塔
稱南无佛因緣功德值九百万億那由他佛速得
甚深念佛三昧々々力故諸佛現前爲其授記從

是已來百万阿僧祇劫不墮惡道乃至今日獲得
甚深首楞嚴三昧尔時王子今我財首是也又云
佛言我与賢劫諸菩薩曾於過去栴檀窟佛所聞
是諸佛色身變化觀佛三昧海以是因緣功德力
故超越九百万億阿僧祇劫生死之罪於此賢劫
次第成佛乃至如是十方无量諸佛皆由此法成三
菩提迦葉經云昔過去久遠阿僧祇劫有佛出世
号曰光明入涅槃後有一菩薩年始十六婆羅門
種端正无比有一比丘於白疊上畫佛形像持与

精進々々見像心大歡喜作如是言如來形像妙
好乃尔况復佛身願我未來亦得成就如是妙身
言已思念我若在家此身匹得即啓父母求哀出
家父母荅言我今年老唯汝一子汝若出家我等
當死子白父母若不聽我者我從今日不飲不食
不昇床座亦不言說作是誓已一日不食乃至六
日父母知識八万四千諸姊妹女等同時悲泣礼大
精進尋聽出家既得出家持像入山取草爲座在
畫像前結跏趺坐一心諦觀此畫像不異如來像

者非覺非知一切諸法亦復如是无相離相體性
空寂作是觀已經於日夜成就五通具足四无量
得无礙辨得普光三昧具大光明以淨天眼見於
東方阿僧祇佛以淨天耳聞佛所說悉能聽受滿
足七月以智爲食一切諸天散華供養從山而出
來至村落爲人說法二万衆生發菩提心无量阿
僧祇人住於聲聞緣覺功德父母親眷皆住不退
无上菩提佛告迦葉昔大精進今我身是由此觀
像今得成佛若有人能學如此觀未來必當成无

上道譬喻經第二云昔有比丘欲度其母々已命
過便以道眼天上人中猶待薛荔中求索了不見
之觀於泥梨見母在中便懊惋悲哀廣求方便欲
脫其苦時邊境有王害父奪國比丘知此王命餘
有七日受罪之地与比丘母同在一處夜安靖時
到王寢殿處穿壁現半身王怖拔刀斫頭々即落
地其處如故斫之數反化頭滿地比丘不動王意
即解知其非常叩頭謝過比丘言莫恐莫怖欲相
度耳汝害父奪國不耶對曰實尔願見慈救比丘

曰作大功德恐不相及王當稱南无佛七日不絕
便得免罪重告之曰慎莫忘此法即便飛去王便
又手一心稱說南无佛晝夜不懈七日命終魂神
向泥梨門稱南无佛泥梨中人聞佛音聲皆一時
言南无佛泥梨即冷比丘爲說法比丘母王及泥
梨中人皆得度脫後大精進得須陀洹道已上諸
文略抄
優婆塞戒經云善男子我本往墮邪見家感網自
我蓋我於尔時名曰廣利妻名女精進勇猛度脫
无量十善化導我於尔時心生煞獵貪嗜酒肉懶

墮懈怠不能精進妻時語我止其儻教戒斷酒肉
勤加精進得脫地獄苦惱之患上生天宮與一處
我於尔時殺心不止酒肉美味不能割捨精進之
心懶墮不前天宮息意地獄分受我於尔時居聚
落內近僧伽藍數聞槌鐘妻語我言事々不能聞
槌鐘聲三彈指一稱佛斂身自恭莫生憍慢如其
夜半此法莫廢我即用之无復捨失經十二年其
妻命終生忉利天却後三年我亦壽盡經至斷事
判我入罪向地獄門當入門時聞鐘三聲我即住

立心生歡喜愛樂不厭如法三彈指長聲唱佛聲
皆慈悲梵音朗徹主事聞已心甚愧感此真菩薩
云何錯判即遣追還送往天上既往到已五躰投
地礼敬我妻白言太師幸義大恩如見濟拔乃至
菩提不違教勅已又震旦國東晉已來至于唐朝
念阿彌陀佛往生淨土者道俗男女合五十餘人
出淨土論并瑞應傳我朝往生者亦有其數具在
慶氏日本往生記何況朝市隱德山林逃名之者
獨修獨去誰得知耶問下々品人五百釋子臨終

僧廿三人
居六人
沙弥又
在家者
合併四人

同念昇沈何別。若群疑論會云五百釋子但依父
教一念佛而不發菩提心求淨土。慙慙慚愧。又
彼不至心。彼唯一念不具十念故。抄略
第七明惡趣利益者。大悲經第二云。若復有人但
心念佛。一生敬信。我說是人當得涅槃。果盡涅槃
際。阿難且置。人中念佛功德。若有畜生於佛世尊
能生念者。我亦說其善根福報。當得涅槃。問何等
是耶。答同經第三佛告阿難。過去有大商主將諸
商人入於大海。其船卒為摩竭大魚欲來吞嚙。尔

時商主及諸商人心驚毛豎。各皆悲泣。嗚呼奇哉。
彼閻浮提如是可樂。如是希有。世間人身如是難
得。我今當與父母離別。姊妹婦兒親戚朋友別離。
我更不見。亦不得見佛法眾僧。極大悲哭。尔時商
主偏袒右肩。右膝著地。住於船上。一心念佛。合掌
禮拜。高聲唱言。南無諸佛。得大无畏者。大慈悲者。
憐愍一切眾生者。如是三稱。時諸商人亦復同時。
如是三稱。時摩竭魚聞佛名号。禮拜音聲。生大愛
敬。聞即閉口。尔時商主及諸商人皆悉安穩得免。

魚難時摩竭魚聞佛音聲心生喜樂更不食噉餘諸衆生因是命終得生人中於其佛所聞法出家近善知識得阿羅漢阿難汝觀彼魚生畜生道得聞佛名聞佛名已乃至涅槃何況有人得聞佛名聽聞正法抄略又菩薩處胎經八齊品云龍子與金翅鳥而說頌曰殺是不善行滅壽命中後身如朝露虫見光則命終持戒奉佛語得生長壽天界劫積福德不墮畜生道今身為龍身戒德清明行雖墮六畜中必望自濟度是時龍子說此頌時龍子

龍女心意開解壽終之後皆當生阿彌陀佛國上已八齊戒龍子也餘趣信佛語生淨土龍子也往之地獄利益如前國王因緣并下簾心妙果諸餘利益如下念佛功德

大文第八念佛證據者問一切善業各有利益各得往生何故唯勸念佛一門答今勸念佛非是遮餘種々妙行只是男女貴賤不簡行住坐臥不論時處諸緣修之不難乃至臨終願求往生得其便宜不如念佛故木槌經云難陀國波瑠璃王遣使

白佛言唯願世尊特垂慈愍賜我要法使我日夜
易得修行未來世中遠離眾苦佛告言大王若欲
滅煩惱障報障者當貫木楔子一百八以常自隨
若行若坐若臥恒當至心无分散意稱佛隨達摩
僧伽名乃過一木楔子如是若十若廿若百若干
乃至百千万若能滿卅万遍身心不乱无諸諂曲
者捨命得生第三炎摩天衣食自然常受安樂若
復能滿一百万遍者當得除斷百八結業背生死
流趣涅槃道獲无上果抄略况復諸聖教中多以念

佛為往生業其文甚多略出十文一占察經下卷
云若人欲生他方現在淨國者應當隨彼世界佛
之名字專意誦念一心不乱如上觀察者決定得
生彼佛淨國善根增長速成不退如上觀察者親
於地藏菩薩法
身及諸佛法身与己自身平等无二不生不滅常
樂我淨功德圓滿又親己身无常如幻可厭等也
二雙觀經三輩之業雖有淺深然通皆云一向專
念无量壽佛三十八願中於念佛門別發一願
云乃至十念若不生者不取正覺四觀經云極重
惡人无他方便唯稱念佛得生極樂五同經云若

欲至心生西方先當觀於一文六像，在池水上。六
同經云：光明遍照十方世界，念佛衆生攝取不捨。
七、阿彌陀經云：不可以少善根福德因緣得生彼
國。若有善男子、善女人，聞說阿彌陀佛執持名号，
若一日，乃至若七日，一心不乱，其人臨命終時，阿彌
陀佛與諸聖衆現在其前，是人終時心不顛倒，即
得往生。八、般舟經云：阿彌陀佛言：欲來生我國者，
當念我數々常當專念，莫有休息。如是得來生我
國。九、鼓音聲經云：若有四衆能正受持彼佛名号，

以此功德臨欲終時，阿彌陀佛即與大衆往此人
所，令其得見。々已尋生十往生論，以觀念彼佛，依
正功德爲往生業。上此中觀經下々品阿彌陀經
鼓音聲經，但以念名号爲往生業，何況觀念相好
功德。耶問：餘行寧无勸信文耶？答：其餘行法，因明
彼法種々功能，其中自說往生之事，不如直弁往
生之要。多云：念佛，何況佛自既言當念我乎？亦不
云：佛光明攝取餘行人，此等文分明何重生疑耶？
問：諸經所說隨機万品，何以管見執一文耶？答：馬

鳴菩薩大乘起信論云。彼次衆生初學是法。其心怯弱。懼畏信心。難可成就。意欲退者。當知如來有勝方便。攝護信心。隨以專心念佛。因緣隨願。得往生他方佛土。如修多羅說。若人專念西方阿彌陀佛。所作善業。迴向願求生彼世界。即得往生。此明知契經多。以念佛爲往生要。若不尔者。四依菩薩。即非理盡。

大文第九明往生諸行者。謂求極樂者。不必專念佛。須明餘行。任各樂欲。此亦有二。初別明諸經文。次總結諸業。第一明諸經者。四十華嚴經。普賢願三千佛名經。无字寶函經。法華經等。諸大乘經。隨求尊勝。无垢淨光。如意輪。阿嚕力迦。不空羅縵光。明阿彌陀及龍樹所感。往生淨土等。此等顯密諸大乘中。皆以受持讀誦等爲往生極樂業也。大阿彌陀經云。當齊戒一心清淨。晝夜當念欲生阿彌陀佛國。十日十夜不斷絕。我皆慈愍之。悉令往生。阿彌陀佛國。殊使不能尔。自思惟。就授計欲度脫身者。不當絕念去愛。勿念家事。莫与婦女同床。

自端正身心斷於愛欲一心齊戒清淨至專念生
阿彌陀佛國一日一夜不斷絕者壽終皆往生其
國在七寶浴池蓮華中化生此經以持戒爲首十往生阿
彌陀佛國經云吾今爲汝說有十往生云何十往
生一者觀身正念常懷歡喜以飲食衣服施佛及
僧往生阿彌陀佛國二者正念世妙良藥施一病
比丘及以一切衆生往生阿彌陀佛國三者正念
不害一生命慈悲於一切往生阿彌陀佛國四者
正念從師所受戒淨惠修梵行心常懷喜往生阿

彌陀佛國五者正念孝順於父母敬重於師長不
懷憍慢心往生阿彌陀佛國六者正念往詣於僧
坊恭敬於塔寺聞法解一義往生阿彌陀佛國七
者正念一日一宿中受持八戒齊一日一宿中受
持不破一往生阿彌陀佛國八者正念若能齊月
齊日中遠離於房舍常詣於善師往生阿彌陀佛
國九者正念常能持淨戒勤修樂禪定護法不惡
口若能如是行往生阿彌陀佛國十者正念若於
无上道不起誹謗心精進持淨戒復教无智者流

布是經法教化无量衆生如是諸人等皆悉得往
生阿耨陀佛國彌勒問經云如佛所說願阿彌陀
佛功德利益若能十念相續不斷念佛者即得往
生當云何念佛言凡有十念何等爲十一者於諸
衆生常生慈心不毀其行若毀其行終不往生二
者於諸衆生常起悲心除殘害意三者發護法心
不惜身命於一切法不生誹謗四者於忍辱中生
決定心五者深心清淨不染利養六者發一切智
心日々常念无有廢忘七者於諸衆生起尊重心

除我慢心謙下言說八者於世談話不生味著九
者近於覺意深起種種善根因緣遠離憒鬧散乱
之心十者正念觀佛除去諸想寶積經第九十二
佛亦以此十心答彌勒問其中第六心云求佛種
者於一切時无忘失心其餘九種文雖少異意同
前經但結文云若人於此十種心中隨成一心樂
欲往生彼佛世界若不得生无有是處云々明非
必具十爲往生業也觀經云欲生彼國者當修三
福一者孝養父母奉事師長慈心不殺修十善業

二者受持三歸具足衆戒不犯威儀三者發菩提心深信因果讀誦大乘勸進行者如此三事名爲淨業佛告韋提希汝今知不此三種業過去未來現在三世諸佛淨業正因又云上品上生者若有衆生願生彼國者發三種心即便往生何等爲三一者至誠心二者深心三者迴向發願心具三心者必生彼國復有三種衆生當得往生何等爲三一者慈心不殺具諸戒行二者讀誦大乘方等經典三者修行六念迴向發願今生彼國具此功德

一日乃至七日即得往生上品中生者不必受持方等經典善解義趣於第一義心不驚動深信因果不謗大乘以此功德迴向願求生極樂國上品下生者亦信因果不謗大乘但發無上道心以此功德迴向願求生極樂中品上生者若有衆生受持五戒持八戒齋修行諸戒不造五逆無衆過患以此善根迴向願求中品中生者若有衆生若一日一夜受八戒齋若一日一夜持沙彌戒若一日一夜持具足戒威儀無缺以此功德迴向願求中

品下生者若有善男子善女人孝養父母行世仁
慈下品上生者或有衆生作衆惡業雖不誹謗方
等經典如此愚人多造衆惡法無有慚愧臨終聞
十二部經首題名字及合掌稱南無阿彌陀佛下
品中生者或有衆生毀犯五戒八戒及具足戒如
此愚人命欲終時地獄衆火一時俱至遇善知識
以大慈悲爲說阿彌陀佛十力威德廣說彼佛光
明神力亦讚戒定慧解脫知見此人聞已除八十
億劫生死之罪下品下生者或有衆生作不善業

五逆十惡具諸不善如此愚人以惡業故應墮惡
道臨命終時遇善知識雖不念佛但至心令聲不
絕具足十念稱南無々量壽佛稱佛名故於念々
中除八十億劫生死之罪雙觀經三輩業亦不出
此觀經以十六觀爲往生因寶積經說佛前蓮華
化生有四因緣得云花香散佛及支提不害於他
并造像於大菩提深信解得處蓮華生佛前上已餘
不繁出

私云支提者塔廟異名也

第二摠結諸業者惠遠法師出淨土因要有四一

修觀往生如十六觀二修業往生如三福業三修
心往生至誠等三心四歸向往生聞淨土事歸向
稱念讚歎等也今私云諸經行業摠而言之不出
梵網戒品別而論之不出六度細明其相有其十
三者財法等施二者三歸五戒八戒十戒多少戒
行三者忍辱四者精進五禪定六般若信第一義等是也
七發菩提心八修行六念念佛法僧戒施夫謂之六念十六想觀亦不出
九讀誦大乘十守護佛法十一孝順父母奉事
師長十二不生驕慢十三不染利養也大集月藏

分偈云如樹菓繁速自害竹蘆結實亦如是如任
騾懷喪自身无智求利亦復然若有比丘得供養
樂求利養堅著者於世更无如此惡故令不得解
脫道如是貪求利養者既得道已還復失佛藏經
迦葉佛記云釋迦牟尼佛多受供養故法當疾滅
云々如來尚尔何況凡夫太象出窓遂為一尾所
導行人出家遂為名利所縛則知出離寂後之怨
莫大名利者也但淨名大士身在家心出家藥王
本事避塵寰居雲山今世行人亦應如是自料根

性而進止之若不能制其心猶須避於其地麻中之蓬屠邊之厩好惡由何乎可見佛藏經中是非也

往生要集卷下本

往生要集卷下末

天台首楞嚴院沙門 源信撰

大文第十問答料簡者略有十事一極樂依正二往生階位三往生多少四尋常念相五臨終念相六麁心妙果七諸行勝劣八信毀因緣九助道資緣十助道人法

第一極樂依正者問阿彌陀佛極樂淨土是何身何土耶答天台云應身佛同居土遠法師云是應身應土縛法師云是報佛報土古舊等相傳皆云

化土化身此為大失依大乘同性經云淨土中成佛者悉是報身穢土中成佛者悉是化身又彼經云阿彌陀如來蓮華開敷星王如來龍主如來寶德如來等諸如來清淨佛刹現得道者當得道者如是一切皆是報身佛也何者如來化身由如今日踊步健如來魔恐怖如來等已上安樂集問彼佛成道為已久如答諸經云十劫大阿彌陀經云十小劫平等覺經云十八劫稱讚淨土經云十大劫邪正難知但雙觀經環興師疏會平等經云十八劫者

其小字闕其中點矣問未來壽幾何答小經云无量無邊阿僧祇劫觀音授記經云阿彌陀佛壽命無量百千億劫當有終極佛涅槃後正法住世佛壽命善男子阿彌陀佛正法滅後過中夜分明相出時觀世音菩薩於菩提樹下成等正覺号善光功德山王如來其佛國土无有聲聞緣覺之名其佛國土号衆寶普集莊嚴普光功德如來涅槃正法滅後大勢至菩薩即於其國成佛号善住功德寶王如來國土光明壽命乃至法住等无有異

法華要義

問同性經云報身授記經云入滅二經相違諸師
何會答綽禪師會授記經云此是報身現隱沒相
非滅度也迦才會同性經云淨土中成佛判為報
者是受用事身非實報身也問何者為正耶答迦
才云衆生起行既有殊往生見土亦有別也
若作此解者諸經論中或判為報或判為化皆无
妨難也但知諸佛修行具感報化二土也如攝論
加行感化正躰感報若報若化皆欲成熟衆生此
則土不虛設行不空修但信佛語依經專念即得

往生亦不須量度報之与化也上已此釋善矣須專
稱念勿勞分別問彼佛相好何以不同答觀佛經
說諸佛相好云同人相故說三十二勝諸天故說
八十種好為諸菩薩說八万四千諸妙相好上已彼
佛准之問雙觀經云彼佛道樹高四百里寶積
經云道樹高十六億由旬十往生經云道樹高四
十萬由旬樹下有師子座高五百由旬觀經云佛
身量六十万億那由他恒河沙由旬云々樹座佛
身何不相稱答異解不同或釋佛境界大小不相

身或釋寄應佛說樹量寄真佛說身量又有多釋
不可具述問華嚴經云娑婆世界一劫為極樂國
一日一夜等云由此當知上品中生逕宿花開當
此間半劫乃至下々生十二劫當此間恒沙塵數
劫何名極樂答設經恒劫蓮華不開既無微苦豈
非極樂如雙觀經云其胎生者所處宮殿或百由
旬或五百由旬各於其中受諸快樂如忉利天已
有師云胎生是中品下品有師云九品所攝雖
有異說快樂不別何況判彼九品所逕日時諸師

不同懷感智憊等諸師許彼國土日夜劫數誠當
所責有師云佛以此土日夜說之令衆生知云今
謂後釋無失且以四例助成一者彼佛身量若干
由旬不以彼佛指分疊為彼由旬也若不尔者應
似如須弥山長大之人以一毛端為其指節故知
不以佛指量說佛身長短何必以淨土時尅說華
開遲速耶二者如尊勝陀羅尼經說忉利天上善
住天子聞空聲告汝當七日死時天帝釋承佛教
勅令彼天子七日勤修過七日後壽命得延取此

是人中、日夜而說、若據天上七日者、當於人中、七
百歲、不應佛世八十年中、決了其事、九品、日夜亦
應同之、三者法護所譯經云、胎生之人、過五百歲
得見於佛、平等覺經云、於蓮華中化生、在城中、於
是間、五百歲不能得出、取憬興等師以此文證此
方五百歲也、今云、彼胎生、歲數既依此間、說九品
時、尅有何別義、不同彼耶、四者、若據彼界、說九品
者、上品中生、一宿、上品下生、一日、夜、即當此界半
劫、一劫若許、尅者、胎生、疑心者、尚逕娑婆、五百歲

而速得見佛、上品信行者、豈過半劫、一劫而遲開
蓮華耶、有此理、故後釋无生、問若以此界、日夜時
尅、說彼相者、彼上々品生彼國、已不應即悟、無生
法忍、所以然者、此界小時、修行爲勝、彼國多時、善
根爲劣、既上々品人於此界、一日至七日、具足
三福業、尚不能證无生法忍、云何生彼、聞法即悟
故、知經彼國土、長遠時、尅悟无生忍、然約彼名、即
悟、望此、即億千歲、或可上々人、必是方便、後心圓
滿者、若不尔者、諸文、梓楮、蒼未知彼國、多善劣、此

界少善勝問雙觀經說於是廣植德本布施惠
勿犯道禁忍辱精進一心智慧轉相教化立善正
意齋戒清淨一日一夜勝在無量壽佛國為善百
歲所以者何彼國土無為自然皆積眾善無毛髮
之惡於此修善十日十夜勝於他方諸佛國中為
善千歲等上巳是其勝劣答二界善根尅對可尔然
值佛緣勝速悟无失或此經但顯修行難易非顯
善根勝劣譬如貧賤施一錢雖可稱美而不弁眾
事富貴捨千金雖不可稱而能弁万事二界修行

亦復如是如金剛般若經云佛世信解未足為勝
滅後為勝或有餘義不能委曲問如隨娑婆行因
極樂階位有別所感福報亦有別耶答大都无別
細分有差如陀羅尼集經第二云若久不以香華
衣食等供養者雖生彼淨土而不得香華衣食等
種々供養之報此文違彼佛本願更思釋之玄一師因法師同
云約實而論亦有勝劣然其狀相似故說无好醜
問極樂世界去此幾處答經云從此西方過十萬
億佛土有極樂世界有經云於是西方去此世界

過百千俱服那庾多佛土有佛世界名曰極樂問
二經何故不同答論智光疏意云言俱服者此為
億也那庾多者當此間效數也世俗言十千曰万
十万曰億十億曰兆十兆曰經十經曰效效猶是
大數也百千俱服即十万亿々有四位一者十万
二者百万三者千万四者万万今言億者即是万
万為顯此義舉那庾多上已此釋可思問彼佛所化
為唯極樂為亦有餘答大論云阿彌陀佛亦有嚴
淨不嚴淨土如釋迦文問何等是耶答極樂世界

即是淨土然其穢土未知何處但道縛等諸師以
鼓音聲經所說國土為彼穢土如彼經云阿彌陀
佛與聲聞俱其國号曰清泰聖王所住其城縱廣
十千由旬於中充滿刹利之種阿彌陀如來應正
遍知父名月上轉輪聖王其母名曰殊勝妙顏子
名月明奉事弟子名无垢辨智慧弟子曰攬光神
足精勤名曰大化尔時魔王名曰无勝有提婆達
多名曰寂靜阿彌陀佛与大比丘六万人俱上問
彼佛所化為唯極樂清泰二國答教文隨緣且舉

一隅論其實處不可思議如華嚴經偈云菩薩修行諸願海普隨衆生心所欲衆生心行廣無邊菩薩國土遍十方又云如來出現遍十方一々塵中無量土其中境界亦無量悉住無邊無盡劫問如來施化事不孤起要對機緣何遍十方答廣劫修行成就無量衆故彼機緣亦遍十方界如華嚴偈云往昔勤修多劫海能轉衆生深重障故能分身遍十方悉現菩提樹王下

第二往生階位者問瑜伽論云三地菩薩方生淨

土今勸地前凡夫聲聞有何意答淨土差別故無有過如感師釋云諸經論文說生淨土各據一義淨土既有麁妙勝劣得生亦有上下階降又道宣律德云三地菩薩始見報佛淨土問設非報土感業重者豈得淨土答天台云無量壽國雖果報殊勝臨終之時懺悔念佛業障便轉即得往生雖具感深願力特心亦得居也問若許凡夫亦得往生彌勒問經如何通會經云念佛者非凡愚念不雜結使得生弥陀佛國答西方要決釋云知娑婆苦

永辭染界非薄淺汎當來作佛意專廣度法界衆
生有斯勝解故非愚也正念時結使眠伏故言不
雜結使念也抄略意云凡夫行人具此德也問彼國
衆生皆不退轉明知非是凡夫生處答所言不退
者非必是聖德如要決云今明不退有其四種十
住毗婆娑云一位不退即修因万劫不復退墮惡
律儀行流轉生死二行不退已得初地刹他行不
退三念不退八地已去无功用意得自在故四處
不退雖无文證約理以成何者如天中得果即得

不退淨土亦尔命長无病勝侶提携純正无邪唯
淨无染恒事聖尊由此五緣其處无退已上略抄問九
品階位異解不同如遠法師云上々生四五六地
上中生初二三地上下生地前卅心也力法師云
上々行向上中十解上下十信基師云上々十迴
向上中解行上下十信有云上々十住初心上中
十信後心上下十信初位有云上々十信及以前
能發三心能修三行者也上中上下唯取十信以
前發菩提心修善凡夫起行淺深以分三品也所

以諸師所判不同者以无生忍位不同故仁王經
无生忍在七八九地諸論在初地或忍位本業瓔
珞經在十住華嚴經在十信古察經說修一行三
昧得相似无生法忍者也故諸師各據一義也中
品三生遠云中上是前三果中多是七方便中下
是種解脫分善人力法師同之基云中上四善根
中々三賢中下方便前人有云如次忍頂懦有云
三生並是種解脫分善根人也已上六品亦有餘
釋見感禪師論龍
興記下品三生无別階位但是具縛造惡人也問
等

明往生人其位有限寧知猶是我等分耶答上品
之人階位設深下品三生豈非我等耶况彼後釋
既取十信以前凡夫為上品三又觀經善導禪師
玄義以大小乘方便以前凡夫判九品位不許諸
師所判深高又經論多依文判義今經所說上三
品業何必執為深位行耶問若尔生彼不應早悟
无生法忍答天台有二无生忍位若別教人歷劫
修行悟无生忍若圓教人乃至惡趣身亦有頓證
者穢土尚尔何况淨土彼土諸事莫例餘處何處

一切凡夫未至其位終無退墮何處一切凡夫悉得五神通妙用無尋耶證果遲速例亦可然問上品生人得益早晚一向亦耶答經中且舉一類故慧遠和尚觀經義記云九品人生彼國已得益之劫數依勝而說理亦有過之者取今謂汎論九品或彼可有少分速於此者問雙觀經中亦有如弥勒等諸大菩薩當生極樂故知經中九品得益依劣而說何言依勝耶答駟生彼國始悟无生前後早晚謂之依勝更不論彼上位大士然彼大士於

九品中攝与不攝別應思擇問若凡下輩亦得往生云何近代於彼國土求者千方得无一二答縛和尚云信心不深若存若亡故信心不一不決定故信心不相續餘念間故此三不相應者不能往生若具三心不往生者无有是處導和尚云若能如上念々相續畢命為期者十即十生百即百生若欲捨專修雜業者百時希得一二千時希得三五言如上者指禮讚等五念門至誠等三心長時等四修也問若心畢命為期者如何感和尚云長時短時多修少修皆得往生

耶答業類非一故二師俱元過然畢命為期勤修
无怠令業決定是為張本問菩薩處胎經第二說
西方去此閻浮提十二億那由他有懈慢界國土
快樂作倡伎樂衣被服飾香華莊嚴七寶轉開床
舉目東視寶床隨轉北視西視南視亦如是轉前
後發意衆生欲生阿彌陀佛國者皆深著懈慢國
土不能前進生阿彌陀國億千萬衆時有一人能
生阿彌陀佛國上以此經准難可得生答群疑論
引善導和尚前文而釋此難又自助成云此經下

文言何以故皆由懈慢執心不牢固是知雜修之
者為執心不牢之人故生懈慢國也若不雜修專
行此業此即執心牢固定生極樂國又報淨土
生者極少化淨土中生者不少故經別說實不相
違也上問設雖不具三心雖不期畢命彼一聞名
尚得成佛况暫稱念何唐捨耶答暫似唐捨終非
虛設如華嚴偈說聞經者轉生時益云若人堪任
聞雖在於大海及劫盡火中必得聞此經大海者是龍界
釋云由餘業故生彼難處由前信故成此根器云

信華嚴者既而如是信念佛者豈无此益彼一生
作惡業臨終遇善友纔十念佛即得往生如是等
類多是前世欣求淨土念彼佛者宿善內熟今開
發耳故十疑云臨終遇善知識十念成熟者並是
宿善強得善知識十念成就云感師意亦同之間
下々品生若依宿善十念生本願即有名无實答
設有宿善若无十念定墮无間受苦无窮明臨終
十念是往生勝緣

第五往生多少者雙觀經云佛告彌勒於此世界

六十七億不退菩薩往生彼國一々菩薩已曾供
養無數諸佛次如彌勒諸小行菩薩及脩少功德
者不可稱計皆當往生他方佛土亦復如是其遠
照佛國百八十億菩薩寶藏佛國九十億菩薩无
量意佛國二百二十億菩薩甘露味佛國二百五
十億菩薩龍勝佛國十四億菩薩勝力佛國万四
千菩薩師子佛國五百菩薩離垢光佛國八十億
菩薩德首佛國六十億菩薩妙德山佛國六十億
菩薩人王佛國十億菩薩无上花佛國无數不可

稱計不退諸菩薩智惠勇猛已曾供養无量諸佛
於七日中即能攝取百千億劫大士所修堅固之
法无畏佛國七百九十億大菩薩衆諸小菩薩及
比丘等不可稱計皆當往生不但此十四佛中諸
菩薩等當往生也十方世界无量佛國其往生者
亦復如是甚多无数我但說十方諸佛名号及菩
薩比丘生彼國者晝夜一劫尚未能竟此諸佛
土中今娑婆世界有修小善當往生者我等今幸
遇釋尊遺法億劫時一願小善往生流應發勤修

莫失時焉問若少善根亦得往生如何經云不可
以少善根福德因緣得生彼國答此有異解不能
繁出今私案云大小无定相待得名望大菩薩名
之少善望輪迴業名之爲大是故二經義不違害
第四明尋常念相者此有多種大分爲四一定業
謂坐禪入定觀佛二散業謂行住坐臥散心念佛
三有相業謂或觀相好或念名号偏厭穢土專求
淨土四无相業謂雖稱念佛欣求淨土而觀身土
即畢竟空如幻如夢即躰而空雖空而有非有非

空通達此无二真入第一義是名无相業是最上
三昧故雙觀經阿彌陀佛言通達諸法性一切空
无我專求淨佛土必成如是刹又止觀常行三昧
中有三段文具如上別行中引問定散念佛俱往
生耶答慙重心念无不往生故感師說念佛差別
云或深或淺通定通散定即於凡夫終于十地如
善財童子於功德雲比丘所請學念佛三昧此即
甚深法也散即一切衆生若行若坐一切時處皆
得念佛不妨諸務乃至命終亦成其行已問有相

无相業俱得往生耶答縛和尚云若始覺者未能
破相但能依相專至无不往生不須疑也又感和
尚云往生既品類差殊修因亦有淺深各別不可
但言唯修无所待而得往生有所得心不得生也
問若尔如何佛藏經說若有比丘教餘比丘汝當
念佛念法念僧念戒念施念天如是等思惟觀涅
槃安樂寂滅唯愛涅槃畢竟清淨如是教者名爲
邪教名惡知識是人名爲誹謗於我助於外道如
是惡人我乃不聽受一飲水又言寧成就五逆重

惡不成就我見衆生見壽見命見陰入界見等耶
已上 略抄 答感師釋云有聖教彼言寧起我見如須弥
山不起空見如芥子許如是等諸大乘經訶有訶
空讚大讚小並乃逗機不同又有經言今者阿弥
陀如來應正等覺具有如是世二相八十隨形好
身色光明如聚金融如是乃至不念彼如來亦不
得彼如來已如是次第得空三昧又觀佛三昧經
云如來亦有法身十力无畏三昧解脫諸神通事
如此妙處非汝凡夫所覺境界但當深心起隨喜

想起是想已當彼繫念々佛功德故知初學之輩
觀彼色身後學之徒念法身也故言如是次第得
空三昧當須善會經意勿生毀讚之心妙知大聖
巧逗根機者已上觀佛經第九說觀佛一毛乃至
觀具足色身已有所引之十力无畏
三昧等 問念佛之行於九品中是何品攝答若如
說行理當上々品如是隨其勝劣應分九品然經
所說九品行業是示一端理實无量問爲如定散
俱得往生亦爲現身俱見佛耶答經論多說三昧
成就即得見佛明知散業不可得見唯除別緣問

有相无相觀俱得見佛耶答无想見佛理在不疑
其有相觀或亦見佛故觀經等勸觀色相問若有
相觀亦見佛者云何華嚴經偈云凡夫見諸法但
隨於相轉不了法无相以是不見佛有見則為垢
此則未為見遠離於諸見如是乃見佛又云了知
一切法自性无所有如是解法性即見盧舍那金
剛經云若以色見我以音聲求我是人行邪道不
能見如來答要决通云大師說教義有多門各稱
時機等无差異般若經自是一門弥陀等經復為

一理何者一切諸佛並有三身法佛无形躰非色
聲良為二乘及小菩薩聞說三身不異即謂同有
色聲但見化身色相遂執法身亦尔故說為耶弥
陀經等勸念佛名觀相求生淨土者但以凡夫障
重法身幽微法躰難緣且教念佛觀形礼讚略問
凡夫行者雖勤修習心不純淨何輒見佛答衆緣
合見非唯自力般舟經有三緣如上九十日行所
引止觀文問以幾因緣得生彼國答依經案之具
四因緣一自善根因力二自願求因力三弥陀本

願緣四衆聖助念緣釋迦護助出平等覺經六方

護持出十往生經云

第五明臨終念相問下々品人臨終十念即得往
生所言十念何等念耶答縛和尚云但憶念阿彌
陀佛若惣相若別相隨所緣觀逕於十念无他念
想間雜是名十念又云十念相續者是聖者一數
之名耳但能積念凝思不緣他事便業道成弁亦
味勞記之頭數也又云若久行人念多應依此若
始行人念者記數亦好此亦依聖教上有云一心

稱念南无阿彌陀佛逕此六字之頃名十念也問
彌勒所問經十念往生彼下々念深廣如何今云
十聲念佛得往生耶答諸師所釋不同寂法師云
此說專心稱佛名時自然具足如是十非必一一
別緣慈等亦非數彼慈等爲十云何不別緣而具
足十如欲受戒稱三歸時雖不別緣離殺等事而
能具得離殺等戒當知此中道理亦尔又可具足
十念稱念南无阿彌陀佛者謂能具足慈等十念
稱南无佛若能如是隨所稱念若一稱若多稱皆

往生要義卷之六

六

得往生感法師云各是聖教互說往生淨土法門
皆成淨業何因將彼為是行此言非但自不解經
亦乃惑諸學者迦才師云此之十念現在時作觀
經中十念臨命終時作此意同感師問雙觀經云
乃至一念得往生此與十念云何鉅角答感師云
極惡業者滿十得生餘者乃至一念亦生問生來
作諸惡業不修一善者臨命終時纔十聲念何能
滅罪永出三界即生淨土答如那先比丘問佛經
言時有彌蘭王問羅漢那先比丘言人在世間作

惡至百歲臨死時念佛死後生天我不信是說復
言殺一生命死即入泥梨中我亦不信也比丘問
王如人持小石置在水中石浮耶沒耶王言石沒
也那先言如今持百丈大石置在船上沒不王言
不沒那先言船中百丈大石因船不得沒人雖有
本惡下時念佛不沒泥梨便生天上何不信耶其
小石沒者如人作惡不知經法死後便入泥梨何
不信耶王言善哉々々比丘言如兩人俱死一人
生第七梵天一人入生剎賓國此二人遠近雖異死

則一時到有二雙飛鳥一於高樹上止一於卑
樹上止兩鳥一時俱飛其影俱到耳如愚人作惡
得殃大智人作惡得殃小如燒鐵在地一人知燒
一人不知兩人俱取然不知者手爛大知者小壞
作惡亦尔愚者不能自悔故得殃大智者作惡知
不當故為日自悔其罪小比十念滅眾罪乘佛悲
願船須臾得往生其理亦可然又十疑釋云以三
種道理校量輕重不定不在時節久近多小云何
為三一者在心二者在緣三者在決定在心者造

罪之時從自虛妄顛倒心生念佛心者從善知識
聞說阿彌陀佛真實功德名号心生一虛一實豈
得相比譬如万年暗室日光暫至而暗頓除豈有
久來之暗不肯滅耶在緣者造罪之時從虛妄癡
暗心緣虛妄境界顛倒心生念佛之心從聞佛清
淨真實功德名号緣无上菩提心生一真一偽豈
得相比譬如有人被毒箭中箭深毒確傷肌致骨
一聞滅除藥鼓聲即毒箭除豈以深毒不肯出也
在決定者造罪之時以有間心有後心也念佛之

時以无間心无後心遂即捨命善心猛利是以即
生譬如十圍之索千夫不制童子揮劍須臾兩段
又如千年積草以大豆火焚之時即盡又如有人
一生已來修十善應得生天臨終之時起一念決
定邪見即墮阿鼻地獄惡業虛妄以猛利故尚能
排一生善業令墮惡道豈况臨終猛利心念佛真
實无間善業不能排无始惡業不得生淨土者无
有是處已又安樂集以七喻顯此義一少火喻如
前二癖者寄載他船因風帆勢一日至千里三貧

人獲一瑞物而以貢王々慶重賞斯須之頃富貴
盈望四劣夫若從輪王行便乘虛空飛騰自在五
十圍索喻如前六鳩鳥入水魚鱗斯斃皆犀角觸
諸死者還活七黃鵠喚子安子安還活豈可得言
墳下千齡决无可甦也一切万法皆自力他力自
攝他攝千開万閉无量无边豈得以有身之識疑
彼无礙之法乎又五不思議中佛法寂不可思議
豈以三界繫業爲重疑彼少時念法爲輕略抄今
加之云一栴檀樹出成時能變四十由旬伊蘭林

普皆香美チラスニハテ二用師子筋チラテノ以為琴絃音聲ヒスス一類一切
餘絃悉皆斷壞シヌス三一介石汁能變千介銅為金チラスニ四
金剛雖堅固チラトテコ以殺羊角扣之則灌然水泮チラスニ加罪チラスニ譬
五雪山有草名為忍辱牛若食者即得醍醐チラスニ六於
沙訶藥但有見者得壽无量チラスニ乃至念者得宿命智
七孔雀聞雷聲即得有身八尺利沙見掃星則出
生果實チラスニ已上生チラスニ九以住水寶瓔珞其身入深水中
而不沒溺チラスニ十沙礫雖小尚不能浮盤石雖大寄船
能浮チラスニ已上チラスニ諸法力用難思如是念佛功力往之莫

疑問臨終チラスニ心念其力幾許チラスニ能成大事チラスニ答其力勝チラスニ百
年業故大論云是心雖時頃少而心力猛利如火
如毒雖少能成大事是垂死時心決定勇健故勝
百歲行力是後心名為大心以捨身及諸根事急
故如入陣不惜身命名為健如阿羅漢捨是身
著故得阿羅漢道チラスニ由此安樂集云一切衆生臨
終之時刀風解形死苦來逼生大怖畏乃至便得
往生問深觀念力滅罪可然云何稱念佛号滅无
量罪若尔以指夕月此指應能闍答綽和尚釋云

諸法万差不可一槩自有名即法自有名異法名
即法者如諸佛菩薩名号禁咒音辞修多羅章句
等是也如禁咒辞曰日出東方乍赤乍黄假令酉
亥行禁患者亦愈又如有人被狗所咬炙虎骨熨
之患者愈或时无骨好擲掌磨之口中喚言虎來
々々患者亦愈或後有人患即轉筋炙木瓜杖熨
之患者即愈或无木瓜炙手磨之口喚木瓜患者
亦愈也名異法者如以指々月是比要次云諸佛
願行成此果名但能念号具苞衆德故成大善上已

彼文引淨名成實文問若下々品造五逆罪由十
具如上助念方法

念佛得往生者云何佛藏經第三云大莊嚴佛滅
後有四比丘捨第一義无所存畢竟空法貪樂外
道居捷子論是人命終墮阿鼻獄仰臥伏臥左脇
臥右脇臥各九百万億歲於熱鐵上燒燃焦爛死
已更生灰地獄大灰地獄活地獄黑繩地獄皆如
上歲數受苦於黑繩死還生阿鼻獄彼家出家親
近并諸檀越凡六百万億人与此四師俱生俱死
在大地獄受諸燒煮劫盡轉生他方地獄劫成還

生此間地獄久々免地獄生入中五百世從生而
盲後值一切明王佛出家十萬億歲勤修精進如
救頭燃不得順忍况得道果命終還生阿鼻地獄
於後值九十九億佛不得順忍何以故佛說深法
是人不信破壞違逆破毀賢聖持戒比丘出其過
惡破法因緣法應當尔已上略抄四比丘者苦岸
比丘難十萬億歲如救頭燃尚不滅罪還生地獄
如何念佛一聲十聲即得滅罪往生淨土答感師
釋云念佛由五緣故滅罪一發大衆心緣二願生

淨土緣小衆人不信有十方佛故三阿彌陀佛本
願緣四念佛功德緣彼比丘但作四念處觀故五
佛威力加持緣是故滅罪得生淨土彼小衆人不
尔故不能滅罪抄略問若尔云何雙觀經說十念往
生云唯除五逆誹謗正法答智憬等諸師云若唯
造逆者由十念故得生若造逆罪亦謗法者不得
往生有云造五逆不定業得往生造五逆定業不
往生如是有十五家釋感法師不用諸師釋自云
若不造逆人論念之多少一聲十聲俱生淨土造

逆人必須滿十闕一不生故言除也。比今試如釋
餘處遍顯往生種類本願唯舉定生之人故云不
尔不取正覺餘人十念定得往生逆者一念定不
能生逆十餘一皆是不定故願唯舉餘人十念餘
處兼取逆十餘一此義未次別應思釋問逆者十
念何故不定答由宿善有无念力別故又臨終尋
常念時別故問五逆是順生業報時俱定云何得
滅谷感師釋之云九部不了教中爲諸不信業果
凡夫密意說言有定報業於諸大乘了義教中說

一切業悉皆不定如涅槃經第十八卷云耆婆婆爲
阿闍世王說懺悔法罪得滅又云臣聞佛說修一
善心破百種惡如小毒藥能害衆生小善亦尔能
破大惡又卅一云善男子有諸衆生於業緣中心
輕不信爲度彼故作如是說善男子一切作業有
輕有重輕重二業復各有二一決定二不決定又
言或有重業可得作輕或有輕業可得作重有智
人以智惠力能令地獄極重之業現世輕受愚癡
之人現世輕業地獄重受阿闍世王懺悔罪已不

入地獄ニ鶻掘摩羅得阿羅漢ヲ如瑜伽論說未得解脫ヲ說名決定業已得解脫ヲ名不定業如是等諸大乘經論說五逆罪等皆名不定悉得消滅ヲ轉重輕受相具出經問所引文云智者轉重輕受下品生人但十念已即生淨土何處輕受ヲ雙觀經說彼土胎生者云五百歲中不見三寶不得供養修諸善本而以此為苦雖有餘樂猶不樂彼處ニ比准之應知以下七々日六劫十二劫不見佛不聞法等為輕受苦耳問為如臨終一念佛名能滅八十億劫衆罪尋

常行者亦可然耶ト答臨終心力強能滅无量罪尋常稱名不應如彼然若觀念成亦滅无量罪若但稱名隨心淺深得其利益應有差別具如前利益門問何以得知淺心念佛亦有益ヲ答首楞嚴三昧經云如大藥王名曰滅除若鬪戰時以用塗鼓諸被箭射刀矛所傷得聞鼓聲箭出毒除如是菩薩住首楞嚴三昧時有聞名者貪恚癡箭自然拔出諸邪見毒皆悉除滅一切煩惱不復動發已上諸法真如實相見凡夫法佛法不二ト是名修習首楞嚴三昧菩薩既尔何況佛

法苑珠林卷第六

卷第六

聞名既尔何况念應知淺心念利益亦不虛
第六鹿心妙果者問若為菩提於佛作善證得妙
果理必可然若為人天果修善根云何答或深或
淨於佛修善雖有遠近必至涅槃故大悲經第三
佛告阿難言若有衆生樂著生死三有愛果於佛
福田種善根者作如是言以此善根願我莫般涅
槃阿難是人若不涅槃无有是處阿難是人雖不
樂求涅槃然於佛所種諸善根我說是人必得涅
槃問所作之業隨願感果何樂世報得出世果答

業果之理不必一同以諸善業迴向佛道是即作
業隨心而轉以雞狗業樂求天樂是即惡見不令
業轉是故於佛修諸善業意樂雖異必至涅槃故
彼經舉譬言譬如長者依時下種於良田中隨時
溉灌常善護持若是長者於餘時中到彼田所作
如是言拙哉種子汝莫作種莫生長然彼種々必
應作果非无果實取意略抄問彼於何時得般涅槃答
設雖久々輪迴生死善根不亡必得涅槃故彼經
云佛告阿難如捕魚師為得魚故在大池水安置

法華要義卷六

卷六

鈎餌令魚吞食魚吞食已雖在池中不久當出乃至阿難一切衆生於諸佛所得生敬信種諸善根修行布施乃至發心得一念信雖爲餘惡不善業之所覆障墮在地獄畜生餓鬼乃至諸佛世尊以佛眼觀見此衆生發心勝故從於地獄拔之令出既拔出已置涅槃岸問如是經意以敬信故遂得涅槃若尔但一聞應非涅槃因既尔云何華嚴偈云若有諸衆生未發菩提心一得佛名聞決定成菩提九答諸法因緣不可思議譬如孔雀聞雷震聲即得

有身又尸利沙果先无形質見昴星時果則出生名足長五寸依佛名号即結佛因亦復如是從此微因遂著大果如彼屋物陁樹從芥子許種生枝葉遍覆五百兩車淺近世法猶難思議何況出世甚深因果唯應信仰不可疑念問以深心緣於如來者亦有益耶答寶積經第八密迹力士告寂意菩薩云耆域醫主合集諸藥以取藥草作童子形端正殊好世之希有所化安諦所有究竟殊異无比往來周旋住立安坐臥寐經行无所缺漏所顯變

業或有太豪國主太子大臣百官貴性長者來到
耆域醫王所視藥童子與共歌戲相見其顏色病
皆得除便致安穩寂靜无欲寂意且觀其耆域醫
王療治世間其餘醫師所不能及也如是寂意若
菩薩奉行法身假使衆生媼怒癡感男女大小欲
相慕樂即共相娛貪欲塵勞悉得休息不信解觀察
无陰種諸
入則名奉
行法身也奉行法身菩薩尚尔何況證得法身佛
耶問如欲想縁有此利益誹謗惡獸亦有益耶答
既云媼怒癡明非唯欲想又如來秘密藏經下卷

云寧於如來起不善業非於外道邪見者所施作
供養何以故若於如來所起不善業當有悔心究
竟必得至於涅槃隨外道見當墮地獄餓鬼畜生
問此文便違因果道理亦復增於衆生妄心如何
以惡心得大涅槃樂耶答以惡心故墮三惡道以
一縁如來故必至涅槃是故不違因果道理謂彼
衆生墮地獄時於佛生信生追悔心由此展轉必
至涅槃見大
悲經染心縁如來利益尚如是何況淨心
一念一稱佛太恩德以之可知問諸文所說菩提

涅槃於三乘中是何果耶答初鈔隨機得三乘果
究竟必至无上佛果如法華經云十方佛土中唯
有丁乘法无二亦无三除佛方便說又大經明如
來決定說義云一切衆生悉有佛性如來常住无
有變易又云一切衆生得阿耨菩提故是故我說
一切衆生悉有佛性又云一切衆生悉皆有心想
有心者定當得成阿耨菩提問何故諸文所說不
同或說一聞佛定成菩提或說應勤修如救頭燃
又華嚴偈云如人數他寶自无半錢分於法不修

行多聞亦如是答若欲速解脫不勤如无分若期
求劫因一聞亦不虛是故諸文理不相違
第七諸行勝劣者問往生業中念佛爲最於餘業
中亦爲最耶答餘行法中此亦最勝故觀佛三昧
經有六種譬一云佛告阿難譬如長者將死不久
以諸庫藏委付其子々々得已隨意遊戲忽於一
時值有王難无量衆賊競取藏物唯一金乃是
閻浮檀那些紫金重十六兩金錠長短亦十六寸此
金一兩價直餘寶百千萬兩即以穢物纏裹真金

置泥團中衆賊見已不識是金脚踏而去賊去之
後財主得金心大歡喜念佛三昧亦復如是當密
藏之二云譬如貧人執王寶印逃走上樹六兵追
之貧人見已即吞寶印兵衆疾至令樹倒僻貧人
落地身躄散壞唯金印在念佛心印不壞亦復如
是三云譬如長者將死不久告一女子我今有寶
寶中上者汝得此寶密藏令堅莫令王知女受父
勅持摩尼珠及諸珍寶藏之糞穢室家大小皆亦
不知值世飢饉持如意珠隨意語即雨百味飲食

如是種々隨意得寶念佛三昧堅心不動亦復如
是四云譬如大旱不能得雨有一仙人誦咒神通
力故天降甘雨地出踊泉得念佛者如善咒人五
云譬如力士數犯王法幽閉圜牆逃到海邊解髻
明珠持雇船師到於彼岸安穩无懼行念佛者如
大力士挽心主鏢到被慧岸六云譬如劫盡大地
洞燃唯金剛山不可摧破還住本際念佛三昧亦
復如是行是定者住過去佛寶實際海中略抄又般
舟經問事品說念佛三昧云常當習持常當守不

生法要集

卷

復隨餘法諸功德中寂尊第一^上又至不退轉位^上
有難易二道言易行道即是念佛故十住婆娑第
三云如世間道有難有易陸路步行則苦水道乘
船則樂菩提道亦如是或有勤行精進或有以信
方便易行疾至阿惟越致^中乃阿弥陀等佛及諸大
菩薩稱名一心念亦得不退轉^上文中舉過去現
在^上一百餘佛弥勒金剛藏淨名无盡意跋陀婆羅
文殊妙音師子吼香象常精進觀世音勢至等一
百餘大菩薩其中廣讚弥陀佛也於諸行中唯念

佛行易修證^上位知是最勝行又寶積經九十二
云若有菩薩多營眾務造七寶塔遍滿三千大千
世界如是菩薩不能令我而生歡喜亦非供養恭
敬於我若有菩薩於婆羅蜜相應之法乃至受得
一四句偈讀誦修行為人演說是人乃為供養於
我何以故諸佛菩提從多聞生不從眾務而得生
也^上乃若一閻浮提營事菩薩於一讀誦修行演說
菩薩之所應當親近供養承事若一閻浮提讀誦
修行演說諸菩薩等於一勤修禪定菩薩亦當親

近供養承事如是善業如來隨喜如來悅可若於
勤修智慧菩薩承事供養當獲无量福德之聚何
以故智惠之業無上最勝出過一切三界所行大
集月藏分偈云若人百億諸佛所於多歲數常供
養若能七日在蘭若攝根得定福多彼至閑靜無
爲佛境界於彼能得淨菩提若人謗彼住禪者是
名毀謗諸如來若人破塔多百千及以焚燒百千
寺若有毀謗住禪者其罪甚多過於彼若有供養
住禪者飲食衣服及湯藥是人消滅无量罪亦不

墮於三惡道是故我今普告汝欲成佛道常在禪
若不能往阿蘭若應當供養於彼人比況尔禪定
尚既如是况念佛三昧是王三昧耶問若禪定業
勝讀誦解義等云何法華經分別功德品以八十
万億那由他劫所修前五波羅蜜功德按量聞法
華經一念信解功德百千万億分之一分何況廣
爲他說耶答此等諸行各有淺深謂偏圓教有差
別故若當教論勝劣如前若諸教相對偏教禪定
不及圓教讀誦事業大集寶積約一教論法華按

量偏圓相望是故諸文義不相違念佛三昧亦復如是偏教三昧當教為勝圓人三昧普勝諸行又定有二一者惠相應定是為取勝二者暗禪未可為勝念佛三昧應是初攝

第八信毀因緣者般舟經云不獨於一佛所作功德不於若二若三若十悉於百佛所聞是三昧却後世時聞是三昧者書學誦持經卷取後守一日一夜其福不可計自致阿惟越致所願者得問若尔聞者決定應信何故雖聞有信不信答无量清

淨覺經云善男子善女人聞無量清淨佛名歡喜踊躍身毛為起如拔出者皆悉宿世宿命已作佛事其有人氏疑不信者皆從惡道中來殃惡未盡此未得解脫也抄略又大集經第七云若有眾生已於无量无边佛所殖眾德本乃得聞是如來十力四无所畏不共之法三十二相乃至下劣之人不能得聞如是正法假使得聞未必能信上當知生死因緣不可思議薄德得聞難知其緣如烏豆聚有一绿豆但彼雖聞而不信解是薄德之所致耳問

法華要義

佛於往昔具修諸度尚於八万歲不能聞此法云
何薄德輒得聽聞設許希有猶違道理答此義難
知試案之云衆生善惡有四位別一惡用偏增此
位无聞法如法華云增上慢人二百億劫常不聞
法二善用偏增此位常聞法如地住以上大菩薩
等三善惡交際謂垂捨凡入聖之時此位中有一
類之人聞法甚難適聞即悟如常啼菩薩須達老
女等或爲魔所障或爲自惑障雖隔聞見不久即
悟四善惡容類此位善惡同是生死流轉法故多

難聞法非惡增故非一向无聞非交際故雖聞无
巨益六趣四生蠢々類是故上人中亦有難聞凡
愚之中亦有聞者此未次後賢人取捨問不信之
者得何罪報答稱揚諸佛功德經下卷云其有不
信讚歎稱揚阿彌陀佛名号功德而謗毀者五劫
之中當墮地獄具受衆苦問若无深信生疑念者
終不往生答若全不信不修彼業不願求者理不
應生若雖疑佛智而猶願彼土修彼業者亦得往
生如雙觀經云若有衆生以疑惑心修諸功德願

生彼國不_レ了佛智不思議智不可稱智大乘廣智
无等倫寂上勝智於此諸智疑惑不信然猶信罪
福修習善本願生其國此諸衆生々彼官殿壽五
百歲當不見佛不聞經法不見菩薩聲聞聖衆是
故於彼國土謂之胎生比疑佛智惠罪當惡道然
隨願往生是佛悲願力清淨覺經以此胎生爲中
輩下輩人然諸師所釋不能繁出問言佛智等其
相云何答憬興師以佛地經五法今名五智謂清
淨法界名佛智以大圓鏡等四如次當不思議等

四也女一師佛智如前以後四智逆對成事智等
四也有餘異解不可煩之
第九助道資緣者問凡夫行人要須衣食此雖小
緣能弁大事標餒不安道法焉在答行者有二謂
在家出家其在家人家業自由食飯衣服何妨念
佛如木搥經瑠璃玉行其出家人亦有_三類若上
根者草座鹿皮一菜一菓如雪山大士是也若中
根者常乞食真掃衣若下根者擅越信施但少有
少有所得即便知足具如止觀第四况復若佛弟

子專修正道無所貪求者自然具資緣如大論云
譬如比丘貪求者不得供養無所貪求則无所
短心亦如是若分別取相則不得實法又大集月
藏分中欲界六天日月星宿天龍八部各於佛前
發誓願言若佛聲聞弟子住法順法三業相應而
修行者我等皆共護持養育供給所須令无所乏
若後世尊聲聞弟子无所積聚護持養育又云若
後世尊聲聞弟子住於積聚乃至三業与法不相
應者亦當棄捨不復養育問凡夫不必三業相應

若有缺漏應无依怙若如是問難是則懈怠无道
心者之所致也若誠求菩提誠欣淨土者寧捨身
命豈破禁戒應以一世勤勞期求劫妙果也况復
設雖破戒非无其分如同經佛言若有衆生爲我
出家剃除鬚髮被服袈裟設不持戒彼等悉已爲
涅槃印之所印也若復出家不持戒者有以非法
而作惱亂罵辱毀訾以手刀杖打縛斫截若奪衣
鉢及奪種々資生具者是人則壞三世諸佛真實
報身則挑一切天人眼目是人爲欲隱沒諸佛所

有正法三寶種故令諸天人不得利益墮地獄故
為三惡道增長盈滿故云爾時復有一切天龍乃
至一切迦吒富單那人非人等皆悉合掌作如是
言我等於佛一切聲聞弟子乃至若復不持禁戒
剃除鬚髮著袈裟片者作師長想護持養育與諸
所須令无乏少若餘天龍乃至迦吒富單那等作
其惱亂乃至惡心以眼視之我等悉共令彼天龍
富單那等所有諸相缺減醜陋令彼不復得與我
等共住共食亦復不得同處戲笑如是償罰
取以上

又云爾時世尊告上首弥勒及賢劫中一切菩薩
摩訶薩言諸善男子我昔行菩薩道時曾於過去
諸佛如來作是供養以此善根與我作三菩提因
我今憐愍諸衆生故此以果報分作三分留一分
自受第二分者於我滅後與禪定解脫三昧堅固
相應聲聞令无所乏第三分者與彼破戒讀誦經
典相應聲聞正法像法剃頭著袈裟者令无所乏
弥勒我今復以三業相應諸聲聞衆比丘比丘尼
優婆塞優婆夷寄付汝手勿令乏少孤獨而終及

以正法像法毀破禁戒著袈裟者寄付汝手勿令
彼等於諸資具之少而終亦勿令有提陀羅王共
相惱害身心受苦我今復以彼施主寄付汝手已
破戒尚余何况持戒聲聞尚余况發大心誠念佛
乎問若破戒人亦為天龍所護念者云何梵網經
云五千鬼神拂破戒比丘跡涅槃經云國王群臣
及持戒比丘應當苦治駭遣呵嘖破戒者耶答如
理苦治即順佛教若非理惱亂還違聖旨故不相
違如月藏分佛言國王群臣見出家者作大罪業

大殺生大偷盜大非梵行大妄語及餘不善如是
等類但當如法憤出國土城邑村落不聽在寺亦
復不得同僧事業利養之分悉不共同不得鞭打
若鞭打者理所不應又亦不應口罵辱一切不應
加其身罪若故違法而謫罪者是人便於解脫退
落必定歸趣阿鼻地獄何況鞭打為佛出家具持
戒者抄略問人間擯治差別可然非人之行猶未決
了抄梵網經一向拂跡月藏經一向供給那忽毘角
答為知罪福旨要須決人行不可必決非人所行

若制若關各生巨益或復如人意樂不同非入願
樂亦不同耳學者應次問因論生論於彼犯戒出
家之人供養惱亂得幾罪福答十輪經偈云被恒
河沙佛解脫幢相衣於此起惡心定墮无間獄袈
名爲解脫幢衣月藏分云若惱亂彼其罪多於出万億佛
身血之罪若供養之猶得无量阿僧祇大福德聚
取問若尔一向應供養之何可治之招大罪報耶
答有其力不苦治之彼亦得罪過是佛法大怨故
涅槃經第三云持法比丘見有破戒壞正法者即

應驅遣呵責舉處若善比丘見壞法者置不呵責
驅遣舉處當知是人佛法中怨若能驅遣呵責舉
處是我弟子真聲聞也至乃諸國王及四部衆應當
勸勵諸學人等令得增上戒定智惠若有不學是
三品法懈怠破戒毀正法者王者大臣四部之衆
應當苦治又云若有比丘雖持禁戒爲利養故与
破戒者坐起行來共相親附同其業是名破戒至乃
若有比丘在阿蘭若處諸根不利聞鈍トウモツ少欲
乞食於說戒日及自恣時教諸弟子清淨懺悔見

非弟子多犯禁戒不能教令清淨懺悔而便与共
說戒自恣是名愚癡僧略抄明知若過若不及皆
是違佛勅其間消息都在得意

第十助道人法者略有三一須明師善内外律能
開除妨障恭敬承習故大論云如雨墮不住山頂
必歸下處若人情心自高則法水不入若恭敬善
師功德歸之二須同行如共涉險乃至臨終互相
勸勵故法華云善知識者是大因緣又阿難言善
知識者是半因緣佛言不尔是全因緣也三於念

佛相應教文常應受持披讀習學故般舟經偈云
此三昧經真佛語設聞遠方有是經用道法故往
聽受一心諷誦不忘捨假使往來不得聞其功德
福不可盡无能稱量其德義何況聞已即受持四以
十里四百里四千里為遠方也問何等教文念佛相應答如前所
引西方證據皆是其文然正明西方觀行并九品
行果不如觀无量壽經一卷蓋良說弥陀本願并
極樂細相不如雙觀無量壽經二卷康明諸佛相
好并觀相滅罪不如觀佛三昧經十卷或八明色

身法身相并三昧勝利不如般舟三昧經三卷或二卷或

婁迦念佛三昧經六卷或五卷或明修行方法不

如上三經并十往生經卷一十住毗婆娑論十四卷或十二

卷龍樹造日夕讀誦不如小阿彌陀經一卷羅作譯結

偈偈說不如无量壽經優婆提舍願生或名淨

名往生論世親造修行方法多在摩訶止觀卷十及

善導和尚觀念法門并六時禮讚各一卷問答料簡

多在天台十疑卷一道綽和尚安樂集卷二慈恩西方

要決卷一懷感和尚郡疑論卷七記往生人多在迦才

師淨土論卷三并瑞應傳卷一其餘雖多要不過此問

行人自應學彼諸文何故今勞著此文耶答豈不

前言如予之者難披廣文故聊抄其要耶問大集

經云或抄寫經法洗脫文字或損壞他法或闡截

他經由此業緣今得盲報云而今抄經論或略多

文或乱前後應是生盲因何為自害耶答天竺震

旦論師人師引經論文多略取意故知錯乱經旨

是為盲因省略文字非是盲因或復於彼十法行

中初書寫行脫文是過為開解等略抄非過况今

所抄多引正文或是諸師所出文也又至不能出
繁文者注或云乃至或云略抄或云取意是即欲
令學者易勸本文也問所引正文誠可生信但屢
加私詞盍招人論謗耶答雖非正文而不失理若
猶有誤苟不執之見者取捨令順正理若偏生謗
亦不敢辭如華嚴經偈云若有見菩薩修行種々
行起善不善心菩薩皆攝取當知生謗亦是結緣
我若得道願引攝彼々若得道願引攝我乃至菩
提互爲師弟問因論生論多白染筆劬勞身心其

功非无期何事耶答依此諸功德願於命終時得
見弥陀佛无边功德身我及餘信者既見彼佛已
願得離垢眼證无上菩提

往生要集卷下末終

永觀二年甲申冬十一月於天台延曆寺首
楞嚴院撰集斯文明年夏四月畢于其功矣
有一僧夢毗沙門天將兩卧童來告云源信

所撰往生集皆是經論文也一見一聞之倫
可證无上菩提須加一偈廣令流布他日語
夢故作偈曰

已依聖教及正理
乃至展轉一聞者

勸進衆生々々極樂
願共速證无上覺

佛子源信暫離本山頭陀于西海道諸州名嶽靈
窟適速客著岸之日不面會面是宿因也然猶方
語未通歸朝各促更對手札述以心懷側聞法公
之本朝三寶興隆甚隨喜矣我國東流之教佛白

再中當今刻念極樂界歸依法華經者熾盛焉佛
子是念極樂其一也以本習深故著往生要集三
卷備于觀念夫一天之下下法之中皆四部衆何
親何疎故以此文敢附歸帆抑在本朝猶慙其拙
况於他鄉乎然而本發緣一願縱有誹謗者縱有
讚歎者併結共我往生極樂之緣焉又先師故慈
惠大僧正諱良源作觀音讚著作即慶保齋作十
六相讚及日本往生傳前進士爲憲作法華經賦
同亦贈欲令知異域之有此志嗟呼一生蕪々兩

往生要集卷六

四

六

岸蒼々後會如何泣血而已不宣以狀

寬和二年正月十五日天台楞嚴院 某 申狀

大宋國 某 賓旅下

返報

本宋國台州弟子周文德謹啓仲春漸暖和風霞
散伏惟法位無動尊躰有泰不審々々悚恐々々
唯文德入朝之初先向方札拜禪室舊冬之内喜
便信啓上委曲則太府貫首豐嶋才人附書狀一
封奉上先畢計也經披覽欵贊望之情朝夕不休

馳憤之際遇便脚重啓達唯大師撰擇往生要集
三卷捧持詣天台國清寺附入既畢則其專當僧
請領狀予也爰緇素隨喜貴賤歸依結緣男女弟
子伍佰餘人各發虔心投捨淨財施入於國清寺
忽飭造五十間廊屋彩畫柱壁莊嚴內外供養札
拜瞻仰慶讚佛日重光法燈咸朗興隆佛法之洪
基往生極樂之因緣只在於斯方今文德忝遇衰
弊之時免取衣食之難仰帝皇之恩澤未隔詔
勅并白之食飢重欲積塵何避飢饉之哉伏乞大

師垂照鑒弟子不勝憤念之至敬表禮代之狀不
宣謹言

二月十一日大宋國弟子周文德申狀

謹上 天台楞嚴院源信大師禪室 法座前

永元四年四月八日 刻彫畢 願主

大法師實眼勵微力於自心拋財寶於佛
界迄功于百枚但此模者先年之比有
聖人勸進十方刻彫之於此所不慮之外

逢_下失火燒失畢仍以自力刻之偏是為四
恩七世無緣法界成佛得道也

世間流布之本依繁落字謬點令尋求往古楞
嚴院點本開板之信師言置之座右備於廢忘
可為證明本而已

皆寬永十七年_{庚辰}正月吉日

洛陽三條寺町誓願寺前

安田_下兵衛開板之

